



Datum, 16.10.2019.god.

Na osnovu člana 38. Statuta KJKP „Toplane-Sarajevo“ d.o.o. Sarajevo, Saglasnosti Ministarstva komunalne privrede i infrastrukture, broj: 27-34-32086/19 od 09.09.2019. godine, Direktor raspisuje

JAVNI OGLAS

za prijem radnika u radni odnos na određeno vrijeme u trajanju od dvanaest mjeseci

1. Podstaničar – 4 izvršioca
2. Rukovalac-poslužilac -1 izvršilac
3. Monter centralnog grijanja – 1 izvršilac
4. Pomoćnik montera - 1 izvršilac

Pored općih uslova (državljanstvo BiH i opća zdravstvena sposobnost), Posebni uslovi za prijem (pod rednim brojevima):

1. KV/SSS (srednja škola metalnih i elektro zanimanja)

Radno iskustvo: 6 mjeseci radnog iskustva na poslovima, poznavanje alata, materijala i postupaka iz oblasti rada.

Opis posla: Rukuje izmjenjivačima toplote, pumpama, reguliše distributivnu i razvodnu mrežu, rukuje zapornim i regulacionim armaturama i drugim uređajima u sistemu grijanja kojim upravlja Preduzeće; izvršava zadatke u skladu sa uputstvima, tehničkom dokumentacijom, propisima i dobivenim nalogima; radi na poslovima redovnog sezonskog remonta za koje je osposobljen; stalno prati i nadzire rad i kvalitet distributivne mreže i pripadajućih podstanica na dijelu mreže za koji je odgovoran; pomaže rukovaocu pri praćenju stanja grijanja u podstanicama i mjerno regulacionim šahtovima i otklanjanju nedostatke u domenu svojih ovlaštenja; vršenju očitavanja parametara nosilaca topline u postrojenju; vršenju očitavanja i unosa veličina u SG-02 obrazac; vršenju kontrole bezbjednosti i ispravnosti šahtova; vrši poslove istraživanja gubitaka vode iz postrojenja; na održavanju higijene postrojenja; sve poslove obavlja u skladu sa propisanom dokumentacijom QMS/EMS/OHS-a, kvalitetno i okolinski bezbjedno; vrši redovnu obnovu stručnog znanja kroz programe stručne obuke preduzeća i programa zaštite okoline prema zakonu i Poslovníkom upravljanja kvalitetom i okolinom; radi i druge poslove iz djelokruga rada PJ i daje povratne informacije o izvršenju istih.

Mjesto rada: Sarajevo

Radno vrijeme: u smjenama tokom sezone grijanja

Osnovna plaća: 779,00 KM

2. KV (srednja škola metalnih zanimanja)

Radno iskustvo: 2 godine radnog iskustva na poslovima, poznavanje alata, materijala i postupaka iz oblasti rada.

Dopunsko znanje: položen ispit za rukovaoca kotlovskih postrojenja sa loženjem plinom

Opis posla: Rukuje kotlovskim postrojenjima manje do srednje snage sa pratećom opremom, izmjenjivačima toplote, pumpama, reguliše distributivnu i razvodnu mrežu, rukuje zapornim i regulacionim armaturama i drugim uređajima u sistemu grijanja kojim upravljaju Toplane; izvršava zadatke u skladu sa uputstvima, tehničkom dokumentacijom, propisima i dobivenim nalogima; radi na poslovima redovnog sezonskog remonta za koje je osposobljen; stalno prati i nadzire rad i kvalitet distributivne mreže i pripadajućih podstanica na dijelu mreže za koji je odgovoran; prati stanje grijanja u mjerno regulacionim šahtovima i otklanja nedostatke u domenu svojih ovlaštenja; vrši očitavanje parametara nosilaca topline u postrojenju; očitavanje i unos veličina za tehnološku vodu; očitavanje i unos veličina u SG-02 obrazac; kontrolu bezbjednosti i ispravnosti šahtova; kontrolu održavanja higijene postrojenja; poslove istraživanja gubitka vode iz postrojenja; sve poslove obavlja u skladu sa propisanom dokumentacijom QMS/EMS/OHS-a, kvalitetno i okolinski bezbjedno; vrši redovnu obnovu stručnog znanja kroz programe stručne obuke preduzeća i programa zaštite okoline prema zakonu i Poslovníkom upravljanja kvalitetom i okolinom.

Radi i druge poslove iz djelokruga rada PJ i daje povratne informacije o izvršenju istih.

Mjesto rada: Sarajevo

Radno vrijeme: u smjenama tokom sezone grijanja

Osnovna plaća: 821,85 KM

3. KV (škola metalnih zanimanja)

Radno iskustvo: 1 godina radnog iskustva na poslovima

Dopunsko znanje:

Opis poslova: Montaža i održavanje termotehničkih uređaja i instalacija (kotlovska postrojenja sa pratećom opremom, izmjenjivači toplote, zaporne i regulacione armature, distributivna mreža na vrelovodnoj i toplovodnoj strani) a na osnovu dostavljene dokumentacije; montaža i održavanje kućnih instalacija centralnog grijanja, školovanje na stručnim kursovima koje organizuju proizvođači instalirane opreme, prati sve novosti vezano za navedenu opremu; radi izvještaj po izvršenom radnom nalogu o obavljenom servisiranju; radi na pripremi i izvršenju zavarivačkih poslova autogenim zavarivanjem u svim položajima; nakon izvršene intervencije na opremi ili instalacijama uređuje radno mjesto i predaje radove korisniku (krajnji kupac, SPR); vrši i druge poslove po nalogu poslovođe servisa TTI, rukovodioca mašinskog održavanja.

Mjesto rada: Prvomajska br. 11

Radno vrijeme: 7³⁰ - 16⁰⁰

Osnovna plaća: 779,00 KM



4. PK (Osnovna škola)

Radno iskustvo: 1 godina radnog iskustva na poslovima

Dopunsko znanje: Interna obuka

Opis posla: Radi na poslovima pomoći kod montaže, utovaru i istovaru prilikom transporta, slaganju robe, opreme i materijala; pomoći kod poslova termoizolacije i antikorozivne zaštite, održavanju i čišćenju automobila, betoniranju, iskopu zemlje, održavanju čistoće u radionicama, dvorištima, kotlovnica, podstanicama, šahtovima, dimnim kanalima; vrši i druge poslove po nalogu poslovođe servisa TTI i rukovodioca mašinskog održavanja.

Mjesto rada: Prvomajska br. 11

Radno vrijeme: 7³⁰ - 16⁰⁰

Osnovna plaća: 740,00 KM

Potrebni dokumenti:

Kandidati su dužni uz potpisanu prijavu, sa kratkom biografijom, dostaviti sljedeće dokumente (u originalu ili ovjerenoj kopiji):

- Rodni list i Uvjerenje o državljanstvu
- Diplomu o stečenom stručnom obrazovanju
- Dokaz/potvrdu poslodavca o radnom iskustvu kojom se nedvosmisleno dokazuje koje poslove je obavljao (**za ona radna mjesta gdje je naznačeno**)
- Fotokopiju vozačke dozvole **za tražena radna mjesta**
- Potvrda/uvjerenje kojim se dokazuje prednost pri zapošljavanju.

Ljekarsko uvjerenje dostavlja izabrani kandidat.

Nepotpune, neuredne i neblagovremene prijave se neće uzimati u razmatranje.

Komisija za izbor obavještava kandidate o terminu polaganja ispita (putem e-mail-a ili telefona(izuzetno putem pošte, ukoliko kandidat nema e-mail adresu/telefon). Poslovnik o radu Komisije će biti dostupan na www.toplanesarajevo.ba.

Kandidat koji ne ostvari minimalni broj bodova na pismenom ispitu ne učestvuje u daljem izbornom procesu. U slučaju da po provedenom ispitu kandidati imaju isti broj bodova, prednost se daje kandidatu koji po Zakonu o dopunskim pravima boraca-branitelja BiH ima prednost pri zapošljavanju.

Oglas je otvoren 10 dana od dana objavljivanja u dnevnom listu.

Za dodatne informacije kontakt telefon: 033 450 030 lokal 212 i 213, Referent za kadrovske poslove.

Prijava sa biografijom, adresom i kontakt telefonom, te traženim dokumentima, predaje se **putem pošte, na adresu sjedišta ili direktno na protokol. Na poledini koverta obavezno upisati ime, prezime, adresu i kontakt telefon.**

KJKP „Toplane-Sarajevo“ d.o.o. Sarajevo

“Javni oglas za prijem radnika (s naznakom pozicije) – NE OTVARAJ“

Ul.Semira Frašte br.22

71 000 SARAJEVO